

## **Est arribadu s'istadiale: atenzione a sos fogos!**

Ogni annu in Sardigna su fogu faghet dannos meda a s'ambiente e a sos òmines chi, in prus de pèrdere bestiàmene, pasturas, frutetos, olivàrios, càpitat chi s'istrùpiet o fintzas chi morzant istudande su fogu o chircande de salvare su traballu issoro.

Sa manera menzus pro firmare su fogu est a non ddu pònnere aposta e a non ddu fàere iscapare pro pagu incuru. Onniunu depet dare atenzione a non causare dannos cun su fogu.

In cale si siat perìodu de s'annu, ma prus che totu in s'istadiale, est perigulosu a fuliare in terra o dae s'automòbile cantos de sigaretas e luminos.

Chie tenet propiedades in su sartu depet dare atentu chi nudda potzat causare ischintiddas e pampas e chi non ddue siat cosa chi potzat pigare fogu cun facilitade. In prus, a intro de sas datas istabilidas dae sa Regione, depet èssere fatas sas doas de protetzione pro su fogu.

*Si bides fogu:  
avisa luego e poni-di a su seguru!*

**Comune de Sorradile**  
Provìntzia de Aristanis

Sa redatzione de *Novas sorradilesas* est contivizada dae su Servìtziu linguìsticu sardu de su Comune de Sorradile (Sotziedade Cooperativa L'ALTRA CULTURA)

**S'isportellu linguìsticu** est a disponimentu de tzitadinos, maistros de iscola, professores, istudiantes pro cale si siat informatzione, duda, bibliografia, sitografia in contu de sa limba sarda, pro consulèntzias didàticas e pro cussizos chi pertocant sas règulas de iscritura de su sardu.

Su Servìtziu est abertu:

su **zòbia** dae sas **08,00** oras a sas **14,00**



**Comune de Sorradile**  
Provìntzia de Aristanis

[www.comune.sorradile.or.it](http://www.comune.sorradile.or.it)

# Novas sorradilesas

Newsletter periòdica de informatzione istituzionale de su Comune de Sorradile